



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, 1599

VD16 B 1607

IX. De quibusdam capitibus Danielis.

[urn:nbn:de:hbz:466:1-53828](https://nbn-resolving.de/urn:nbn:de:hbz:466:1-53828)

Denique veteres passim allegant hunc librum sub nomine Hieremiæ, propterea quod Baruch notarius, & discipulus fuerit Hieremiæ, ut patet ex lib. Hieremiæ cap. 36. quæ causa fuit cur Concilia antiqua, & Patres non posuerint Baruch nominatum in canone, quia nimis hunc librum partem esse iudicabant Hieremiæ vaticiniorum. Clemens Alexandrinus lib. 1. paedagogi, cap. 10. citat nomine Hieremiæ illud Baruch 3. *Audi Israël mandata vita.* & illud Baruch 4. *Beati sumus Israël, quia quæ Deo placent manifesta sunt nobis.* B. Ambrosius lib. 1. de pœnitentia, cap. 8. recitat nomine Hieremiæ quædam ex cap. 3. & quædam ex cap. 5. huius libri: & lib. 3. hexam. cap. 14. ponit alia ex cap. 4. S. Basilus lib. 4. in Eu-nomium, non procul à fine, & S. Ioannes Chrysostomus in oratione, quod Christus sit Deus, contra gentes, adducunt locum illum Baruch 3. hic est Deus noster, nomine Hieremiæ. S. Augustinus lib. 18. de ciuit. Dei, cap. 33. eundem locum dicit ab aliquibus citari nomine Baruch, sed à pluribus nomine Hieremiæ. Denique eundem locum nomine Hieremiæ citant Sixtus Papa I. in epist. ad omnes fideles. Felix IV. in epist. ad Petrum Antiochenum, & Pelagius I. in epist. ad Vigilium.

Quæ cùm ita sint, non poterit certè Baruch repudiari, nisi Hieremias etiam repudietur. Ut enim nulla fuit unquam apud veteres controversia de libro Hieremiæ, ita quoq; censendum est de libro Baruch, nullam apud eos controversiam existisse.

CAPVT IX.

De quibusdam capitibus Danielis.

DUAE I teste B. Hieronymo præfatione in Daniel, nihil faciunt hymnum trium puerorum, qui habetur cap. 3. Danielis, necnon Susannæ historiam, quæ habetur cap. 13. & historiam draconis quem Daniel interfecit, quæ habetur cap. 14. Pari ratione Porphyrius lib. 12. ex iis quindecim quos scripsit aduersus Christianos, eodem Hieronymo teste præfatione comment. in Daniel; necnon hæretici huius temporis, ut Kemnitius in examine 4. sess. Concil. Trident. & præcipue Anabaptistæ in eodem versantur errore.

Nec

Nec solū Hæretici, Pagani, & Iudæi, sed etiam ex Christianis Catholicis, olim Julius Africanus historiam Susannæ tanquam adulterinam & neotericam repudiauit, teste Eusebio lib. 6. hist. cap. 23. Ex recentioribus, Ioan. Driedo lib. 1. de Scripturis & dogmatibus Ecclesiasticis, cap. vlt. Ex semichristianis, Erasmus in scholiis super præfationem B. Hieronymi in Danielēm, idem senserunt.

At nihilominus certum est, has omnes partes Danielis verè esse canonicas. quod probatur primò ex Concilio Tridentino, & vsu Ecclesiae; quod argumentum apud Driedonem ceterosq; Catholicos magnam vim habere debet. Concilium sess. 4. iubet recipi libros sacros cum omnibus suis partibus, prout in Ecclesia Catholica legi consueuerunt: Hymnus autem trium puerorum legitur cùm in Missa in Sabbato quatuor temporum, tum omnibus diebus festis in precibus officij matutini: Historia Susannæ legitur tota in Missa in Sabbato ante Dominicam quartam quadragesimæ; denique historia draconis imperfecti legitur in Missa feriæ tertiaræ post Dominicam quintam quadragesimæ. Neq; solū hoc tempore, sed etiam ante annos M.CC. legebantur in Ecclesia iste omnes partes Danielis, vt Rufinus testatur lib. 2. aduersus Hieronymum.

Probatur secundò testimoniis veterum. B. IGNATIVS in epist. ad Magnesianos citat historiam Susannæ ex cap. 13. Danielis. eandem citat TERTULLIANVS lib. de corona militis. B. CYPRIANVS in serm. de oratione Dominica, producit Hymnum trium puerorum, ac dicit Scripturam esse diuinā, in qua ille hymnus continetur. Idem in serm. de lapsis: *Loquitur, inquit, Scriptura diuina, Ecce. citat verba eorundem puerorum in igne.* Lib. 1. epist. 8. adducit historiam Susannæ; lib. 4. epist. 6. historiam draconis, & eandem lib. 3. epist. 1. lib. 1. epist. 4. Item serm. de oratione Dominica, & serm. de eleemosyna citat historiam prandij Habacuch allati ad Danielēm. B. BASILIVS lib. de Spiritu sancto, cap. 30. EPIPHANIUS in ancorato, & B. IOANNES CHRYSOSTOMVS hom. 4. ad populum, citant hymnum, vel historiam trium puerorum; & serm. de tribus pueris, ac serm. de Susanna, qui habentur in fine primi tomi, easdem historias explicat, & diuinās vocat. THEODORETVS incommen. Danielis, etiam hymnū trium puerō-

puerorum cum ceteris partibus Prophetæ, eiusdem exponit
B. AMBRO SIVS lib. 3. de Spiritu sancto, cap. 7. tractans hi-
storiam Susannæ, aperte docet eam Scripturā esse diuinam,
vt sunt aliæ partes eiusdem Prophetæ.

B. AVGUSTINVS lib. de natura boni, cap. 16. probat con-
tra Manicheos res corporeas esse bonas, ex hymno trium pue-
rorum, ubi lux & tenebræ, &c. laudant Deum. Et epist. 122. ad
Victorianum citat orationem Azariæ, quam fudit in fornaci
ignis ardentis. Et Tract. 36. in Ioannem adducit historiam
Susannæ. ORIGENES studiosè defendit has partes Danie-
lis, & præcipue Susannæ historiam, canonicam Scripturam
esse contendit, tum homil. 1. in Leuiticum, tum in epistola ad
Iulium Africanum. B. ATHANASIVS in synopsi ubi ad Da-
nielem peruenit, & argumentum totius libri breuiter expli-
cat, disertis verbis meminit Susannæ, hymni trium puerorū
& draconis imperfecti: & aperte indicat hæc omnia ad corpus
diuinæ Scripturæ pertinere.

Denique credibile est Concilia vetera, vt Laodicenum, &
Carthaginense III. & priscos Patres qui Græca editione uti-
bantur, cum Danielem in numerum sanctorum Scripturarū
retulerunt, de eo libro Danielis esse loquutos, qui in Græcis
vulgatis codicibus habebatur. In Græcis autem vulgatis co-
dicibus istæ omnes partes sine dubio habebantur, vt ex syno-
psi Athanasij, & commentario Theodorei aperte colligitur,
necnon ex præfatione Hieronymi in Danielem, ubi testatur
Ecclesiam Christi Danielem legere ex editione Theodosio-
nis, in qua editione hæc omnia habebantur.

Sed obiciunt aduersarij, PRIMO, B. Hieronymi senten-
tiam, qui cum in præfatione Danielis, à se in Latinum con-
uersi, tum in præfat. comment. in Danielem satis indicat, ista
capita non esse alicuius auctoritatis. Respondet ipse Hiero-
nymus in Apologia secunda contra Ruffinum, circa finem, se
non quid sentiret explicuisse in prologis illis, sed quid Iudæi
dicerent indicasse.

At Hieronymus etiam ibi vocat fabulas, historiam Susan-
næ & draconis. Respondeo, eum, cum dicit fabulas, velle di-
cere historias, quas Iudæi fabulas vocant; addo etiam, inter-
dum veteres nomine fabularum non res fictas, sed veras nar-
rationes appellare. Quomodo Luc. vlt. *Et factū est dumfa-
bula*

bularentur, & secum quererent, &c. & Minutius felix initio dialogi, quem Octauium inscripsit, fabulam vocat veram quandam narrationem, nescio cuius nauigationis. Clemens quoque Alexandrinus apud Eusebium lib. 3. hist. cap. 23. narratur verissimam historiam S. Ioannis; Audi, inquit, fabulam non fabulam, &c. quasi dicat, audi fabulam, non tamen fictam & falsam, sed certam & veram.

S E C V N D O obiiciunt, quod in historia Susannæ Daniel introducitur tamquam puer: *Suscitauit*, inquit, *Dominus Spiritum sanctum pueri iunioris*. at hoc non potest esse verum. nam supra cap. 6. dicitur Daniel fuisse unus ex primis satrapis regni Darij Medi, quo tempore certè non erat puer; quomodo ergo postea cap. 13 dicitur esse puer?

Si dicas, Scripturam non ordine narrare omnia, sed prius quæ postea facta sunt; & propterea in codicibus Græcorum, ubi ordo seruatur, ab historia Susannæ totum librū incipere. Contrà, nam in isto cap. 13. satis apertè indicatur, historiam Susannæ contigisse initio regni Cyri Persarum Regis. Sic enim concluditur caput: *Et Rex Assyages appositus est ad Parres suos, & suscepit Cyrus Perses regnum eius*. Itaque ex isto capite habemus Danielem fuisse puerum tempore Cyri hoc autem est falsum. Nam Daniel puer translatus est cum Rege Iechonia à Nabuchodonosor ex Hierusalem in Babylonem, ut dicitur Danielis primo. Porrò ab eo tempore usque ad Cyrum, fluxerunt anni septuaginta, ut patet lib. 1. Esd. cap. 1. Initio igitur regni Cyri Daniel agebat circiter annum LXXX. vel X C. qualis ergo puer erat nonaginta annorum.

Adde, quod etiam tempore Nabuchodonosor non videtur Daniel fuisse puer, sed iam olim defunctus; cùm Ezechiel, qui prophetauit tempore Nabuchodonosor, anno quinto transmigrationis, ut dicitur Ezech. 1. meminerit Danielis, tanquam olim defuncti. Sic enim ait cap. 14. *Si fuerint tres viros isti, Noë, Daniel & Iob in medio eius, viuo ego, dicit Dominus; quia filium & filiam non liberabunt*. Daniel igitur eo tempore iam habuerat filios, & mortuus erat sicut Noë & Iob.

Respondeo, historiam Susannæ contigisse longè antè tempora Cyri, cùm Daniel reuera esset puer, & idcirco meritò apud Græcos ponì in principio libri: nec tamen male apud Latinos

tinos reiectum esse ad extremum librum, ut intelligeremus eam non haberi apud Hebræos. Quod autem dicitur in fine cap. 13. post historiam Susannæ: *Et Astyages appositus est ad Patres suos, & suscepit Cyrus Perses regnum eius;* non referatur ad historiam Susannæ proximè narratam, sed est initium alterius historiæ quæ contigit sub Cyro. Itaque in Græcis codicibus historia Susannæ est i. cap. totius libri. Illa autem verba: *Et Rex Astyages appositus est ad Patres suos;* ponuntur in principio vlt. capituli, vbi narratur historia Belis destructi, & draconis interfici.

Ad illud autem de Ezechiele, respondet B. Hieron. lib. I. in Iouinian. ab Ezechiele mentionem fieri Danielis non olim defuncti, sed adhuc viuentis in ætate puerili: annumerari autem viris illis grauissimis Noë & Iob, quia notus erat populo ob liberationem Susannæ, & interpretationes somniorum: vel, ut idem Hier. dicit in cap. 14. Ezech. quia sicut Noë vidit felicitatem mundi ante diluvium, postea calamitatem tempore diluvij, & rursum felicitatem post diluvium: & Iob vidit felicitatem suam ante tentationem, postea suam miseriam in temptatione, & rursum felicitatem post temptationem: ita Daniel vidit se felicem in regia Iudæorum ante captiuitatem postea captiuum & miserum, tandem rursum felicem, cum Dario inter summos Principes est constitutus. Neque necesse est, tunc Danielem habuisse filios & filias, quia per hypothesin loquitur Ezechiel, ac si diceret, etiam si isti tres hinc sent, & haberent filios & filias, non possent eos ab imminenti malo liberare.

Obiiciunt TERTIO, quæ dicuntur cap. 14. de Daniele missum in lacum leonum, pugnare cum iis, quæ dicuntur cap. 6. Nam cap. 6. dicitur fuisse tantum una nocte in lacu leonum; cap. 14. sex diebus.

Respondeo, bis Danielem missum esse in lacum leonum, semel à Dario Medo, quoniam precatus erat Deum contra præceptum Regis, & tunc fuisse tantum una nocte; & hoc narrari cap. 6. iterum autem missum esse à Cyro propter interficium draconem, & tunc fuisse sex diebus, ut dicitur cap. 14. Adde, quod non est improbabile, non eundem esse Danielem istum, qui Susannam liberavit, Bel destruxit, ac draconem interfecit, & in lacu leonum sex diebus fuit, cum eo, de quo agitur

agitur in superioribus capitibus. Id enim multos olim sensis. se testatur Hieron. præfat. in comment. Dan. & apertè Græca editio LXX. habet, hunc posteriorem fuisse de tribu Leui, ut ibidem Hieron. notat, cùm certum sit priorem fuisse de tribu Iuda. Quæ si ita se habeant, duo argumenta iam facta nullam habent difficultatem.

Obiiciunt Q V A R T O, historiam Susannæ videri omnino confictam ab aliquo Græco. Nam vbi nos habemus: *Dic sub qua arbore videris eos colloquentes sibi; qui ait, sub Schino.* Dixit autem Daniel, rectè mentitus es in caput tuum, ecce enim Angelus Domini scindet te medium. In Græco allusio quædam est elegatissima ab arbore Schino ad actionem scindendi; nam χίονις est arbor, χίζειν est scindere; & cùm alii dixerit se vidisse eos sub prino, allusio Daniel ab arbore prino ad actionem secandi; nam τείνειν est arbor, τείγειν est secare. quomodo si quis diceret, vbi vidisti eos: sub ilice, illico ergo interficeris. At in Hebræis nulla talis allusio fieri potuit; nam quod Græci dicunt τείνειν, nos ilicem, Hebræi dicerent בְּרִית בְּלָח שְׁסַע שְׁסַע בְּלָח. בְּקֻע שְׁסַע שְׁסַע בְּלָח.

Respondet Origenes in epist. ad Iulium Africanum, Daniëlem non dixisse ilicem, neque lentiscum, sed aliquid aliud nobis ignotum, cui tamen secundum proprietatem linguae Hebraicæ, vel Chaldaicæ, qua ipse vtebatur, aliquid verbum secandi responderet. Plurimas enim voces Hebræi habent, quæ significant scindere, vel secare. porrò interpretem Græcum non vertisse ad verbum, sed ad sensum, & ut seruaret allusionem, accepisse alias arbores similes, quibus in Græco responderet allusio ad verbum scindendi.

CAPVT X.

De libris Tobiae, Iudith, Sapientia, Ecclesiastici & Machabæorum.



I L I B R I simul omnes reiiciuntur ab Hebræis, ut B. Hieronymus testatur in prologo Galeato. Deinde Hebræorum sententiam sequuntur hæretici

huius

*Abarof a syrope i danneret
43 mordet der. Maedderen er i mordet de mordet
Laudreene syrope a d'ij 368 ou 374.*